




subjekt pod nazivom Udruženje građana „Borba protiv korupcije – Transparency international Bosna i Hercegovina“, Banja Luka, putem punomoćnika Milanović Nebojše, advokata iz Banja Luke, po ovlaštenju iz punomoći od 11.12.2009. godine sa memorandumom i pečatom na punomoći koji nose oznaku „Transparency International Bosna i Hercegovina“, Banja Luka. Obzirom da iz sadržaja navedene punomoći proizilazi da se navedeni advokat opunomoćuje da zastupa Udruženje građana „Borba protiv korupcije – Transparency International Bosna i Hercegovina“, ovaj sud je u skladu sa odredbom člana 43. stav 2. u vezi sa članom 24. stav 1. i 2. Zakona o upravnim sporovima („Službene novine F BiH“ broj 9/05), obzirom da zahtjev za vanredno preispitivanje nije jasan odnosno razumljiv u pogledu toga koje tačno lice je njegov podnosilac, dopisom od 19.12.2014. godine pozvao advokata da u roku od 10 dana zahtjev za vanredno preispitivanje uredi tako što će tačno naznačiti naziv podnosioca zahtjeva za vanredno preispitivanje i dostaviti valjanu punomoć za zastupanje za podnosioca zahtjeva, pa ako se radi o Udruženju građana „Borba protiv korupcije – Transparency International Bosna i Hercegovina“, Banja Luka, da dostavi rješenje o upisu u odgovarajući registar, kao i podatke o licu ovlaštenom za zastupanje, uz napomenu da će u suprotnom zahtjev za vanredno preispitivanje biti odbačen, kao izjavljen od neovlaštenog lica u skladu sa članom 44. stav 1. Zakona o upravnim sporovima.

Podneskom zaprimljenim dana 25.12.2014. godine podnosilac zahtjeva je obavijestio ovaj sud da je tačan naziv podnosioca zahtjeva Udruženje građana – „Borba protiv korupcije Bosna i Hercegovina“, a lice ovlašteno za zastupanje i predstavljanje je Đikić Emir, sve po rješenjima Osnovnog suda u Banja Luci broj: RG-23/01 od 28.03.2001. godine i 09.09.2009. godine koja su dostavljena u prilogu, kao i da je Udruženje dobilo akreditaciju od Međunarodne organizacije Transparency international sa sjedištem u Berlinu (koja nije dostavljena), međutim, zbog tadašnjih propisa isto nije moglo u Bosni i Hercegovini da se registruje pod stranim nazivom, pa je registrovano pod nazivom Udruženje građana „Borba protiv korupcije Bosna i Hercegovina“.

Obzirom da je podnosilac zahtjeva za vanredno preispitivanje Udruženje građana „Borba protiv korupcije Bosna i Hercegovina“ iz Banja Luke, jer je samo pod tim nazivom upisano u jedinstveni registar udruženja građana sa svojstvom građansko-pravnog lica i pravom djelovanja na području Bosne i Hercegovine, a zahtjev za pristup informacijama je podnijelo lice pod nazivom „Transparency International Bosna i Hercegovina“ koje pod tim nazivom nije upisano u jedinstveni registar udruženja građana, to je, po ocjeni ovog suda, zahtjev za vanredno preispitivanje podnesen od strane neovlaštenog lica (što je prvostepeni sud propustio da ocijeni prilikom odlučivanja po podnesenoj tužbi).

Iz navedenog proizilazi da je zahtjev za vanredno preispitivanje sudske odluke podnijelo neovlašteno lice, pa je ovaj sud na osnovu člana 44. stav 1. u vezi sa članom 24. stav 1. i 2. i članom 43. stav 2. Zakona o upravnim sporovima („Službene novine Federacije Bosne i Hercegovine“, broj 9/05), zahtjev odbacio kao nedozvoljen.

Zapisničar  
Lumanović Svjetlana,s.r.



Predsjednik vijeća  
Ploskić Mevsuda,s.r.

